

Sindikat srednjeg i visokog obrazovanja, odgoja, nauke i kulture BiH - SSVOONK BiH

Trade Union of Secondary and Higher Education, Nurture, Science and Culture of BiH-TUSHENSC BiH

Obala Kulina bana 1, Sarajevo, tel/fax:033 21-35 88

e-mail:ssvoonkbih@bih.net.ba, www.ssvoonkbih.ba

Broj: 01-672/25

Sarajevo, 28.11.2025. godine

BHRT - Radiotelevizija Bosne i Hercegovine

N/r predsjednice Sindikalne organizacije

Predmet: Podrška, dostavlja se

Država se brani istinom – Podrška novinarima javnog servisa

Dragi novinari i uposlenici javnog RTV servisa,

Upućujemo vam ovo pismo podrške u trenucima kada se javni servis, institucija koja je stub svake ozbiljne države, ostavlja da tiho propada pod teretom neodgovornosti i političkih kalkulacija. Ono što se danas dešava BHRT-u nije samo finansijska kriza. To je otvoreni napad na pravo građana da budu informisani, napad na profesionalno novinarstvo, ali i napad na državu.

Političari koji se zaklinju u evropske vrijednosti i demokratske principe ne čine ništa kada dođe trenutak da te principe primjene. Javni servis ne pripada njima. Javni servis pripada državi, pripada građanima, što znači da je njegova nezavisnost i stabilno finansiranje obaveza, a ne opcija. Kada se javni servis urušava, urušava se i povjerenje u institucije i nezavisno informisanje.


Vaša borba da se održi profesionalni standard, da se novinarstvo sačuva je borba za državu Bosnu i Hercegovinu. Vaša upornost, profesionalizam i ljubav prema pozivu, ali i zemlji, su jedini razlog što javni servis još postoji, makar u ovako teškim uslovima.

Cijeneći vaš rad koji je uvijek bio profesionalan i odgovoran, bez obzira na težak položaj u kojem se nalazite, te razumijevajući značaj vaše televizijske kuće, pružamo vam punu podršku u svim vidovima sindikalne borbe. Sindikat srednjeg i visokog obrazovanja, odgoja, nauke i kulture Bosne i Hercegovine je uz radnike Radiotelevizije Bosne i Hercegovine kao što ste vi uvijek bili uz nas. Dužni smo da zajedno podignemo glas protiv sistema u kojem sportisti, državni službenici i policija, radnici državnih institucija kulture i javnog servisa jedva opstaju, a privilegije imaju samo političari.

Nadam se da će ovo pismo biti još jedan glas koji će probiti zid šutnje i podsjetiti sve političke aktere da se javni servis ne gasi, ne ucjenjuje i ne ponižava, nego se štiti. Onako kako se štiti i država.

S poštovanjem i podrškom,

Predsjednica Upravnog odbora SSVOONK-a BiH



Edina Čomić

Dostaviti:

- Naslovu
- A/a